

سنة لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجرانی اوله رق
اون بش غروش ضم اولنور

نسخه سی ۴۰ پاره در

تجدیدیه

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

اشقودره ولایتی استیناف محکمه سی جزا دائره سی
ریاستی یانیه ولایتی استیناف محکمه سی مدعی عمو -
میسسی عبدالفتاح افندی به

یانیه ولایتی استیناف محکمه سی مدعی عمومیلکی
وان ولایتی استیناف محکمه سی مدعی عمومیسسی رفعتلو
احسان بکه

وان ولایتی استیناف محکمه سی مدعی عمومیلکی
ارضروم ولایتی مرکز بدایت محکمه سی حقوق دائره سی
رئیس رفعتلو علی نائی افندی به

معموره العزیز ولایتی استیناف محکمه سی مدعی
عمومیلکی انقره ولایتی مرکز بدایت محکمه سی جزا
دائره سی رئیس عرفان بکه

انقره ولایتی مرکز بدایت محکمه سی جزا دائره سی
ریاستی خداوندکار ولایتی مرکز بدایت محکمه سی
مدعی عمومی معاونی رفعتلو حمدی افندی به

خداوندکار ولایتی مرکز بدایت محکمه سی مدعی
عمومی معاونلکی کوناهیه سنجانیه بدایت محکمه سی
جزا دائره سی رئیس فوتلو علی علوی افندی به

کوناهیه سنجانیه بدایت محکمه سی جزا دائره سی
ریاستی چتالجه سنجانیه بدایت محکمه سی مدعی
عمومی معاونی فوتلو یوسف نهاد بکه

لوله برغوس قضاسی بدایت محکمه سی ریاستی
اطنه ولایتی استیناف محکمه سی باش کاتبی عثمان نوری
افندی به تفویض بیورلمش ومومی الیهمدن عبدالفتاح

و حمدی و علی علوی افندیله احسان و عرفان
و یوسف نهاد بکلرک مأموریت سابقه لرینه حین
تعیینلرنده تحلیفلی اجرا قلمش اولدینی کبی نائی

و عثمان نوری افندیلرک دخی « ذات شوکتسمات حضرت
خلافتپناهی به و دولت علیه لرینه صادقانه حسن ایفای
خدمت ایده جکلرینه و خلاف ناموس و صداقت و مغایر

عدالت احوال و حرکاتی ده ارتکاب الیه جکلرینه »
دائر امر تحلیفلیلرینک اجراسی محللرینه تبلیغ و انبا
قلمشدر.

ادرنه ولایتی مرکز بدایت محکمه سی رئیس اولی
فضیلتلو مصطفی نسیب افندی به ادرنه پایه مجردی
توجیه بیورلمشدر.

تبلیغات

مدیونک حاله مناسب خانه سنک دینی ایچون
صاتیله میه جفتی مبین اولان اجرا قانوننک الی بشنجی
ماده سی حکمنک مذکور خانه بدلندن متولد دین محکوم

یهک استیفاسی امرنده دخی مرعی اولوب اولدیغنک
تعییننده تردد ایدلرکنندن بخلله استفسار معامله به
دائر قوصوه ولایتی استیناف محکمه سی مدعی عمو -

میلکنندن وقوعبولان اشعار اوزرینه ذکر اولنان
الی بشنجی ماده ده مدیونک حاله مناسب خانه سی
دین ایچون صاتیله میوب کندوسنه ترک اولنور دیو

محرر اولسنه نظراً بر مدیونک جهات سائر دین طولای
تأدیه و ایفاسیله محکوم اولدینی دیننک تسویه سی ضمانده
مسکن اولان خانه بی دیننک فروخت ایتدیرمه که حق

و صلاحیتی کوریه میوب انجیق قانون مذکورک الی
اوچنجی ماده سنده مدیونک اداره سنه و اولاد عیالک
تعیش و تلبس و بیتوتلرینه کافی وارداتیه اشیا سنک

حجزدن مصونیتی کوسترملکه برابر اساس دینک
بونلردن متولد اولدینی خالده حجز و فروخته جواز
کوسترملش اولسنه قیاساً بایعنه تأدیه اولنمیان بدلنک

تسویه سی ایچون مدیونک مسکنی اولان خانه نک
دخی فروختی مجاز بولنش اولدینی انجمن عدلیه
افاده سیله عدلیه نظارت جلیله سنندن مذکور مدعی

عمومیلکه جواباً تبلیغ اولنمشدر.

محاکمات

محکمه تمیز حقوق دائره سنندن اعطا قلنان
۷ تشرین اول سنه ۳۱۸ تاریخی اعلامدر :

قره حصار شرقی قصبه سنک اورته محله سنده ساکن

سحاقیان صوغمون و سحاقیان ارمناق اغالر ایله قصبه
مذکورک کلیسا محله سنده مقیم هوسهسیان حاجی
قره بت اغا بیننده متحدث دعوا به دائر قره حصار شرقی

سنجانیه بدایت محکمه سنندن تجارت صفی و ۲ شباط سنه
۳۱۷ تاریخی و ایکی عددی ایله ویریلان اعلام مرقومان
صوغمون و ارمناق اغالر طرفندن تمیز ایدلمکه اعلام

مذکور طرفینک اعتراض و جواب لایحه لرینه بالمطالعه
تدقیقات تمیز به اجراسنه ابتدار اولندی .

اعلام مذکورک خلاصه مآلی : مومی الیه حاجی
قره بت اغانک مرقومان صوغمون و ارمناق اغالر ذمتنده
برقطعه سند موجبجه یکدیگرینه کفیل بالمال اوله رق

آله جنی اولان ایکویز یتش عدد ایرای عثمانینک مع فائض
تحصیلی قره حصار شرقی بدایت محکمه سننک تجارت
قسمنده طلب و دعوی و برقطعه سند ابراز و اعطایتمسی

و تعیین اولنان کونده مدعی علیهمانک ورود ایتملری
اوزرینه وکیل مسخر حضور به عن الغیاب جریان
ایدن محاکمه و تدقیقات نتیجه سنده مدعی قره بت اغانک

مدعی علیهما ذمتنده بر موجب سند ایکویز یتش سکر
ایرا آله جنی اولدینی مذکور سننده موضوع امضالر
حقننده تعیین اولنان اهل خبره جانبندن اعطا اولنان

رابور مندرجاتیه تحقّق ایتسنه بناءً اصول محاکمه
حقوقیه قانوننک یوز بشنجی ماده سی حکمنه توفیقاً
مدعابه ایکویز یتش سکر عدد ایرای عثمانینک مرورایدن

آلتی بحق ماهلق فائضله برابر مدعی علیهمادن تحصیلنه
و حین تأدیه سنه قدر فائض نظامیسنک دخی آروجه
یوریدلسنه حکمدن و مستدعی تمیز اولان مرقومانک

اشبو حکم علیهنده لایحه لرنده مندرج باشلوجه اعتراف
ضلری دخی مستند ادعا اولان سننده فائض مقاوله سی
مشروط اولدینی کبی کندولری دخی صفت تجاریه بی

حاضر اولدقلری جهته دعوی واقعه نک فصل وحسمی
حقوق محکمه سنه عائد ایکن خارج ازوظیفه تجارت
محکمه سنده رؤیت ایدلمسی و مواد تجاریه به متعلق اولان

دعاوینک انشای رؤیتنده تجارت محکمه سی بولنمیان
محلده اعضای موقته حضور به رؤیت دعوی ایدلمسی
قواعد قانونیه اقتضاسندن ایکن جزا محکمه سنندن اعضا

جلب ایدیلرک رؤیت دعوی اولنسی و مدعابه سننده حقننده

اجرای تدقیقات اولفق اوزره تعیین قلنان اهل خبره نك امر انتخابنده وکیل مسخره رأی اولمدینی کبی جریان ایدن معامله تطبیقه نك ده تعریف قانونی دائره سنده اولمدینی حالده اولباده اعطا اولنان راپورک مدار حکم اتخاذ ایدلسی مغایر قانون اولدیغندن بجنه اعلامك نقضی استدعاسندن ولائحه جوابیه مؤدای دخی اعتراضات مسروده نك واحی اولدینی بسایله ردی و موافق اصول وقانون اولان اعلامك تصدیق طلبندن عبارت بولمشد.

استیناف محکمه سی جزا دائره سندن ویریلان ۲۵۷ نومرولی اعلام حافیک قضاسنك چاکورت قریه سنده مقیم نیقو غوص اوغلی زاوکی نك ضرباً وفاتنه سببیت ویردیکي دعا قلمسندن دولای جنایتله اتهام اولنان آغیک ولد کروبک بش سنه مدته کورکه قولسنه دائر سیواس ولائی استیناف محکمه سی جزا دائره سندن ویریلان ۲۳۵ نومرولی اعلام

ریزه نك میشونا قریه سندن مصطفی بن علی بن قتل ایتملرندن دولای جنایتله اتهام اولنان قریه مذکورلی بربر اوغلی ایوب ورضوان بنان طاهرک اون شرسته مدتلرله کورکه قوللریه دائر لازستان سنجانی بدایت محکمه سی جزا دائره سندن ویریلان ۶۰ نومرولی اعلام جمعه قضاسنك قولفال اوبه قریه سندن خلیل بن عبداللهی قتل ایلدیکي ادعاسندن دولای جنایتله اتهام اولنان قریه مذکورلی ارسلان بن مصطفانک اون بش سنه مدته کورکه قولسنه دائر سرفیجه سنجانی بدایت محکمه سی جزا دائره سندن ویریلان ۴۴۰ نومرولی اعلام محکمه کیمیز جزا دائره سنجیه تصدیق اولمشد.

بیوکدره ده جامع زقاعنده واقع بر خانه حسیبه و نافع خاتمه منازعه ومن بورتانی ضرب ایدرک بولمردن حسیبه خاتمک تعطیل عضوینه سببیت ویردیکي ادعاسیله متهم بولنان بلدی چاوشلرندن محمد علی افندی حقتده اجرا قلنان محاکمه نتیجه سنده مومی الیهک دقتسزلک ونظامانه رعایتسزلک اثری اوله رق حسیبه خاتمک بغیر قصد تعطیل عضوینه سببیت ویردیکي شاهدلرک شهاداتی ومعاینه راپوری مندرجانی ودلائل سائر ایه ثابت اولدیغندن اول وجهه فعل مذکورک فاعلی اولدیغنه وقانون جزانک یوزسکسان اوچنجی ماده سنه توفیقاً ایکی ماه مدته حبسنه و نافع خاتمی ضرب ایلدیکي اکلاشیله مدیغندن آدن طولانی برائنه ۱۲ حزران سنه ۳۱۹ تاریخنده محکمه جنایتیه قرار ویرلمشدر.

کرماسی قضاسنك حاجی علی قریه سی اهالی سندن حسن بن محمد ماده قلندن دولای جنایتله اتهام اولنان قریه مذکورلی هاشم بن عثمانک اون بش سنه مدته کورکه قولسنه دائر خداوندکار ولائی استیناف محکمه سی جزا دائره سندن ویریلان ۶۸۵ نومرولی اعلام

جمعه قضاسنك ایکنه لی قریه سندن احمد ورفقاسنك انسانی راهده مسلحاً اوکلیه جقه رق حیواناتی غصب ایتمسندن دولای جنایتله اتهام اولنان حسن اوبه قریه لی مصطفی مطو احمدک اوچ سنه مدته کورکه قولسنه دائر سرفیجه سنجانی بدایت محکمه سی جزا دائره سندن ویریلان ۳۳۸ نومرولی اعلام اوده مش قضاسنك جولقی قریه سی اهالی سندن حافظ باش چاوش اوغلی شریف علینک کیفیت قلندن دولای جنایتله اتهام اولنان سنجی اوغلی محمد علینک اون بش سنه مدته کورکه قولسنه دائر آیدن ولائی

مرقومک سرق قتل فعلندن طولانی سابقه لی بولنسی جنیتله قانون مزبورک سکرنجی ماده سی منطوقیه بالتضعیف اوچ سنه مدته حبسنه ۱۶ حزران سنه ۳۱۹ تاریخنده محکمه جنایتیه قرار ویرلمشدر.

یقه حق قریه سنده السطاشی جرح و قتل ایلدیکي ادعاسیله متهم بولنان چفتی احمد حقتده اجرا قلنان محاکمه نتیجه سنده مرقومک بالتهور قتل مذکورلی ایقاع ایلدیکي مقتولک قبل الوفا سبب ایدن افاده سی وکندوسنک اقرارینک اخبار اولنسی ومعاینه راپوری مندرجانی ودلائل سائر ایه ثابت اولدیغندن اول وجهه مجرمینه وقانون جزانک یوزتیش درنجی ماده سنک فقره اولاسنه توفیقاً اون بش سنه مدته کورکه قولسنه ۱۲ حزران سنه ۳۱۹ تاریخنده محکمه جنایتیه قرار ویرلمشدر.

ابراهیمی ضرب ایدن کوستجه لی رفعتک برهفته حبسنه قهوه چی دیمتری بی ضرب ایدن پولیس اکاه افندیدن برلیرا آلهرق دیمتری به اعطاسنه

یکدیگری ضرب ایدن اسماعیل و عثمان واحمدک بر هفته حبسارینه قبا قولاق محله سنده ساکن محمد بکی جرح ایدن بقال روسجقلی حقینک برهفته حبسنه جمیلی ضرب ایدن مصطفانک برالتون آلهرق مضروب ویرلمسه

دقتسزلک اثریه حریق ظهورینه سببیت ویردیکي تحقیق ایدن مادام بالیادن منع حریق نظامنامه سی احکامنه توفیقاً برجمیدی جزای نقدی اخذینه قوجونک والدیه سی التی ضرب ایلدیکي اصولاً ثابت اولدیغندن برآی حبسنه

کیجه وقتی قسطنینک دکانه کیره رک اشیا سنی سرق ایلدیکي ثابت اولان ابراهیمک التی آی حبسنه واشای مسروقه نك مرقوم قسطنیه رد واعاده سنه طوخنه لی بکر بن مصطفانک لیلاً سلیمانک خانه سنه کیره رک اشیا والچه سنی سرق ایلدیکي ثابت اولدیغندن التی آی حبسنه واشای والچه مسروقه نك تضمینه

تقسیمده مجار جاده سنده ساکن بنائینک کورلی وشانه ایلدیکي ثابت اولدیغندن برهفته حبسنه واون بش بشلک جزای نقدی آلمسنه

نشان طاشنده ساکن مصطفانک قاتنه بی ضرب ایلدیکي ثابت اولدیغندن برهفته حبسنه آیوانسرای حماللرندن محمودک قهوه چی محمدی ضرب ایلدیکي ثابت اولدیغندن اون کون حبسنه

قانون مأمورلرندن علی افندی به اجرای وظیفه حالنده تشهر سلاح ایلدیکي اصولاً ثابت اولان علی صائم افندینک التی آی حبسنه

بقال فائق افندینک اجرای وظیفه حالنده قومیسر ابراهیم افندی به حنارت و پولیس احمد خلوصی افندی بی ضرب ایلدیکي ثابت اولدیغندن التی آی حبسنه

خمیرکار طومه نك دیمتری بی ضرب ایلدیکي ثابت اولدیغندن برهفته حبسنه

تراوای آرایه جیلرندن پترونک هاشار نام چوجنک بغیر قصد یاره نسنه سببیت ویردیکي اکلاشیله یغندن طبیب راپورنده کوستربان اوچیز الی عروش مصارف جراحیه نك مرقوم یزودن تحصیله قومقوده قلفات محله سنده ساکن قوندیره چی فوطی بی ضرب و جرح ایدن استلیو ایه انسپاشک بر هفته حبسارینه

بلاطه قریه باش محله سنده ساکن میشونک صفت رسمیه سی اولمدینی حالده نامنه مهر حک ایدرک اوراق رسمیه تشهر ایلدیکي ثابت اولدیغندن مرقومدن بش بشلک جزای نقدی اخذینه سرکزی ضرب ایدن برقم قبولی قوندیره چی حایقرونک برهفته حبسنه

بلاطه خضرچاوش محله سنده ساکن طراندافیلی ضرب ایدن آبوستولک برهفته حبسنه بالی بازارنده صراف آورای ضرب ایدن حاجی نوری ورفقی محمددن بر بریجی لیرا آلهرق مضروب اعطاسنه

ادرنه قبوسنده ساکن مصطفی اغایی ضرب و جرح ایدن صندالچی مش اغادن برلیرا آلهرق مضروب اعطاسنه

ادرنه قریه سنده ساکن مصطفی اغایی ضرب صامیه مرکزنده مستخدم مختار افندی به اجرای مأموریت حالنده حقارت ایدن حسیندن برلیرا جزای نقدی اخذینه

صغوق چشمه قومیسر احمد افندینک خدمتجیسی فاطمه نك قومیسر ابراهیم افندی به اجرای وظیفه حالنده حقارت ایلدیکي ثابت اولدیغندن برلیرا جزای نقدی اخذینه

طناش ایه زوجهنه اطاله لسان ایدن قدیلیده ساکنه اورانیه قادیندن برلیرا جزای نقدی اخذینه الیزا قادی ضرب ایدن سلحدار باغچه سنده ساکن دیرانک برهفته حبسنه

بقال حسنی اغانک جیلندن یاره کیسه سنی سرق ایدن بک اوغلنده مجارده ساکن سرکزک اوچ آی حبسنه و ختام مدنده ضابطه جه کفالتیه ربطه یکدیگری ضرب ایدن بالقی عثمان رئیس ایه

رجب ومعونه چی محمدک بر هفته حبسارینه یکدیگری ضرب ایدن قاضی قریه سنده ساکن دعوی وکیلرندن قارنیک افندی ایه ترسانه عامره متعهدلرندن نازی افندینک اوز کون حبسارینه واسیله اطاله لسان ایدن اسکادده تئیل حاجی محمد محله سنده ساکن قارجی حیدردن یارم لیرا جزای نقدی اخذینه

قولباشی اسماعیل اغایی جرح ایدن قوریغلی دره مو قنده مستخدم زاندارمه افرازدن محمد اغانک اون بش کون حبسنه و طقسان بش غروش مصارف جراحیه نك تحصیله شکری بی ضرب و جرح ایدن موقوف قدرینک بر آی حبسنه

اسکی ضبطیه ده طلومه قفوشنده بیتوت ایدن رمضان بن محمودک ایرانی چایچی حسن اغانک کیجه وقتی حکمجه سی سرق ایلدیکي اقرار ایه ثابت اولدیغندن التی آی حبسنه

قاسم باشلی کامل بن محی الدینک خلاف تنبیه اوزرنده سلاح طاشیدینی ثابت اولدیغندن مرقومدن بش بشلک جزای نقدی اخذینه قاسم باشا قهوه جیلرندن اسماعیلک ویرزینی ضرب ایلدیکي اکلاشیله یغندن برهفته حبسنه

نیازی بن محمد سالم قرغولخانه دروننده قومیسر عمر افندی به تشهر سلاح ایلدیکي ثابت اولدیغندن التی آی حبسنه

استقاط ولد بنایوطک مادام انااللرک اموال منقولهنه بالاختر ایرات خسار ایلدیکي تحقیق ایتد یکندن مرقومدن اون بشلک جزای نقدی اخذینه صاوانک خلاف تنبیه اوزرنده سلاح طاشیدینی ثابت اولدیغندن مرقومدن بش بشلک جزای نقدی اخذینه یورکینک محله آره سنده طبایحه آندینی ضبط ورقه سی مندرجانیله تحقیق ایتد یکندن بکرمی درت ساعت حبسنه وبش بشلک جزای نقدی اخذینه

یکی قوبمحه بکجیسی جبرائیل ضرب ایدن اسماعیل بن محمدک اون بش کون حبسنه

ایوده ساکن سقاعبداللهی ضرب ایدن کتبه دن صبری افندیدن برلیرا آلهرق مضروب اعطاسنه

اقصرای بکجیلرندن بکر اغایی ضرب ایدن نجیه خاتوندن برلیرا آلهرق مضروب ویرلمسه

فسخانه عملهنندن کنفریلی حسینی جرح ایدن جیل بکک اون کون حبسنه

تیورقوده ساکن مدیه چی میچونی ضرب و جرح ایدن دالغیج مصطفانک ایکی آی حبسنه و تقدیر ایدیلان درتیوز غروش اجرت جراحیه ایه ایکیوز غروش اجر مثلك تحصیله

دعوی وکیلرندن حافظ ابراهیم افندی بی ضرب ایدن کتبه دن احمد شوقی وصالح منیر افندی بلردن بریجی لیرا آلهرق مضروب مومی الیه اعطاسنه بالفی فوطی ضرب و جرح ایدن قومقوبلی نشان ولد هاجینک بکرمی کون حبسنه

چارشوی کیر قیو جیلرندن سحاقیان بدروسک اغوب واروسیا به اطاله لسان ایلدیکي ثابت اولدیغندن مرقومدن بریجی لیرا جزای نقدی اخذینه

باغچان پترونک هراتی و طاشونک دخی قوبری ضرب ایلدیکي ثابت اولدیغندن پترونک برهفته حبسنه و طاشودن برلیرا آلهرق مضروب ویرلمسه طاشی فوطی ایه از مرغاده قدینک، متوفی قیوچی نیقولینک حین حیاتنه بکرمی بش لیراسنی دولا ندردقلری ثابت اولدیغندن اوچر آی حبسارینه و اوچر لیرا جزای نقدی اخذینه و دولا ندرمش اولدقلری بکرمی بش لیرانک بالتحصیل ورته به اعطاسنه

یکدیگریه اطاله لسان ایدن قوزغنجقده ساکن محمد افندیدن بر و قانچودن یارم لیرا جزای نقدی اخذینه تانار احمدک خلاف تنبیه سلاح طاشیدینی ثابت اولدیغندن بش بشلک جزای نقدی اخذینه و سلاحک ضبط و مصادره سنه

سوحی علی اغانک اموال منقولهنه ایرات خسار ایدن فهی قبودانن اون بشلک جزای نقدی اخذینه آراهی سمدالیهک عابجی لونچونک مجروحینه سببیت ویردیکي ثابت اولدیغندن اون کون حبسنه محله آره سنده سلاح انداخت ایلدیکي ثابت اولان میخانه چی جراحی اسپرونک اوچ کون حبسیه برابر بش بشلک ده جزای نقدی اخذینه

تبعه ایرانیه دن حاجی اوخانس ولد آرتینک سپورکجیلر کتخداسی ذوالفقارک اوطه سندن اشیا سرق ایلدیکي اقرار ایه ثابت اولدیغندن درت آی حبسنه و ختام مدت جزائیهنه سنده ضابطه جه کفالتیه ربطه و اماننده محفوظ اولدینی بیلدیریلان اشیا نك صاحبنه رد واعاده سنه

قرغول دروننده ضابطه مأمورلر بی تحقیره جرأت ایدن طلومه چی علقودن ایکی لیرا جزای نقدی اخذینه

قالبچی ارزنجانی صالحی ضرب و جرح ایلدیکي ثابت اولان دفتر دار اسکله سی قایقجیلرندن حسن بن ابراهیمک برآی حبسنه درسعات ، بک اوغلی واسکدار بدایت محکمه لری جزا دائره نجه قرار ویرلمشدر.

اِخْلَافَات

بیضا سخاخی بابت محکمه سی جزا داره سنده :

بیضا قضاسنه مضاف چاک ناحیه سنک کولچک قریه سندن عثمان اوغلی صالحی بیرامیچ قضاسنه کلکده ایکن انشای راهده و اوحدلر قریه سی جوارنده بالطه ایله اکسه سندن جرح وتلف ایتدیکی ادعاسیله مظنون علیه اولوب درسعات هیئت اتهامیه سندن جنایتله حقنده اخذ و گرفت مذکره سی ویرلمش اولان اشکال و اوصافی غیر مضبوط اوتوز بش یاشلرنده. عبده نام دیگر و سچقلی احمد چاوش زمان و قوعاندنبرو وادی فرارده اولوب آلان اله کچوریه مامش اولمسندن ناشی اصول محاکمات جزائیة قانونک اوچیوز یتیش برنجی ماده سی موجبجه قانونه اطاعتله محکمه به کلسی ایچون جانب ریاستدن مجدداً اون کون مهل ویرلمش اولدیغندن مدت مذکوره ظرفده اثبات وجود ایتدیکی حالده محاکمه سی غیاباً بالاجرا حقوق مدنی دن اسقاط و اموالی حجز ایدیه چکی و بوباده مرقومک برکونه دعوی اقامه سنه حق اوله میه جنی کبی بولندیغی محلی بیلنلر خبر ویرمهک و بالجله ضابطه عدلیه مأمورلرینک مرقومی دردست ایتمهک مجبور بولندقلری اعلان اولنور .

ازینه قضاسنه تابع محودیه قریه سی اهالی سندن قره حسن اوغلی یشاری روولور قورشونیه جرح و قتل ایلدیکی ادعاسیله مظنون علیه اولوب درسعات هیئت اتهامیه سندن حقنده اخذ و گرفت مذکره سی ویرلمش اولان اوصاف و اشکالی غیر مضبوط قوم قلعه ناحیه سنک توفیقیه قریه سی اهالی سندن خلیل اوغلی محمد بن حسن زمان و قوعاندنبرو وادی فرارده اولوب آلان اله کچوریه مامش اولمسندن ناشی اصول محاکمات جزائیة قانونک اوچیوز یتیش برنجی ماده سی موجبجه قانونه اطاعتله محکمه به کلسی ایچون جانب ریاستدن مجدداً اون کون مهل ویرلمش اولدیغندن مدت مذکوره ظرفده اثبات وجود ایتدیکی حالده محاکمه سی غیاباً بالاجرا حقوق مدنی دن اسقاط و اموالی حجز ایدیه چکی و بوباده مرقومک برکونه دعوی اقامه سنه حق اوله میه جنی کبی بولندیغی محلی بیلنلر خبر ویرمهک و بالجله ضابطه عدلیه مأمورلرینک مرقومی دردست ایتمهک مجبور بولندقلری اعلان اولنور .

بیرامیچ قضاسنه تابع احمدجه قریه سی جوارنده واقع کون کورمز دکرمانچیسی قوزمه نک یوز قرق غروش اچقه سیله اشیاسنی غضب و برادری طناسک دخی اون عدد عثمانلی لیراسیله ایکی عدد انکلیر و بر عدد یارم فرانمز التوتی و بر مجیدیه چاریکنی اخذ

ایتدیکی ادعاسیله مظنون علیه اولوب درسعات هیئت اتهامیه سندن جنایتله حقنده اخذ و گرفت مذکره سی ویرلمش اولان اشکال و اوصافی غیر مضبوط بیرامیچلی مهاجر خانجی مصطفی زمان و قوعاندنبرو وادی فرارده اولوب آلان اله کچوریه مامش اولمسندن ناشی اصول محاکمات جزائیة قانونک اوچیوز یتیش برنجی ماده سی موجبجه قانونه اطاعتله محکمه به کلسی ایچون جانب ریاستدن مجدداً اون کون مهل ویرلمش اولدیغندن مدت مذکوره ظرفده اثبات وجود ایتدیکی حالده محاکمه سی غیاباً بالاجرا حقوق مدنی دن اسقاط و اموالی حجز ایدیه چکی و بوباده مرقومک برکونه دعوی اقامه سنه حق اوله میه جنی کبی بولندیغی محلی بیلنلر خبر ویرمهک و بالجله ضابطه عدلیه مأمورلرینک مرقومی دردست ایتمهک مجبور بولندقلری اعلان اولنور .

تجارت بحریه محکمه سنده :

تریسته ده مقیم فیلی دی . ت . برتومنه نک وکیلی غلطه ده عزت پاشا خاندنه مقیم آلیک افندیکن مقدا درسعاتده ارنبود کوینده دره ایچنده مختار وایانک خانه سنده مستأجراً ساکن داندزی نام کسینه نک خانه سنده مقیم ایکن الیوم اقامتکاهی مجهول بولندیغی خبر ویرلان دیمتری علیه سکزی بیک بشیوز یکریمی الی فرانک مع قاض و مصارف محاکمه و اجرت و کالت تحصیلاتی متضمن بوکره محکمه تجارت بحریه دن استحصا ایلدیکی ۱۳ شباط سنه ۳۱۸ تاریخ و ۳۳ نومرولی اعلام غیابینک برقطعه صورت مصدقه سی ، محکوم علیه مرقومک اقامتکاهی مجهول بولمسندن ناشی اصول محاکمه حقوقیه قانونک یکریمی التیجی ماده سی احکامنه توفیقاً تبلیغ اولنش عداولتمق اوزره محکمه نک دیوانخانه سنه تعلیق اولندیغی کبی اوراق حوادث واسطه سیله دخی اعلانشه ایتدار قلندی .

ایکنجی تجارت محکمه سنده :

مفلس مطبعه جی اونیک حلبیانک ماسه سی موجودی تقسیم و توزیع ایدمک اوزره اشبو بیک اوچیوز اون طقوز سنه سی حزراننک یکریمی برنجی جمعه ایرتسی کونی تعیین و تخصیص قلنش اولدیغندن یوم مذکورده ساعت یدی راده لرنده مفلس مرقومک دفتر دیوننه صورت قطعی ده قبول و تصدیق و یاخود موقه قید اولنش اولان اصحاب مطلوبک ایکنجی تجارت محکمه سنده زوژ قومیسر افندیلره مخصوص اوطه به کلری اعلان اولنور .

سولیک تجارت محکمه سنده :

سلانیکده پاساژ اوریا نالده قومیسو نیچقله متوغل ج . طیسینک ۱۲ حزران سنه ۳۱۹ تاریخده افلاسنه و اعضای دائمه دن رفعتلو فوآد افندیکن زوژ قومیسر وضبط کتبه سندن اسماعیل افندی ایله دعوی وکیللر ندن پیوعسائل و مانوئل قره صو افندیلرک موقه سندنیک تعینلرینه قرار ویرلمش اولدیغندن دائمی سندنیک انتخابی و قانوننامه تجارتک یوز یتیشی ماده سی حکمنه توفیقاً معاملات لازمه سائرته نک ایفاسی ضمنده اصحاب مطلوبک ۳۱۹ سنه سی شهر حزراننک یکریمی التیجی پنجه نبه کونی ساعت سکزی راده لرنده سلانیک تجارت محکمه سنه کلری اعلان اولنور .

معامله افلاسیه سی دردست تدقیق بولان مفلس ویدال ولد نبستی ذمتده الاجنی اولانلرک تاریخ اعلاندن اعتباراً یکریمی کون ظرفده بهر بازار و صالی کونلری سلانیک تجارت محکمه سنده ماسه مأمورلرینه مراجعتله الاجقلری قید ایتدیرملری و ایتدیرمدکری تقدیرده قانوننامه تجارتک ایکیوز اونجی ماده سی احکامی اجرا قلنه جنی اعلان اولنور .

سلانیکده استانبول چارشو سنده تجارت ایدن مناهم اسکنازینک ۱۲ حزران سنه ۳۱۹ تاریخده افلاسنه و اعضای دائمه دن رفعتلو بغوص افندیکن زوژ قومیسر وضبط کتبه سندن نیازی و دعوی وکیللرندن عثمان سرمد افندیلرک موقه سندنیک تعینلرینه قرار ویرلمش اولدیغندن دائمی سندنیک انتخابی و قانوننامه تجارتک یوز یتیشی ماده سی حکمنه توفیقاً معاملات لازمه سائرته نک ایفاسی ضمنده اصحاب مطلوبک اوچیوز اون طقوز سنه سی شهر حزراننک یکریمی التیجی پنجه نبه کونی ساعت الی راده لرنده سلانیک تجارت محکمه سنه کلری اعلان اولنور .

عینتاب قضاسی بابت محکمه سی تجارت قسمنده :

افلاسلرینه قرار ویرلان عینتابک ابن ایوب محله سی ساکنلرندن وزیتون یاغی تجارتدن تیمورجیان آوادیس و قدحیان آوادیس اغالرک تاریخ اعلاندن اعتباراً اوتوز کونه قدر بهر کون عینتاب قضاسی تجارت محکمه سنه مخصوص اوطه ده ساعت یدیدن اونه قدر تحقیق دیون معاملاتنه مباشرت اوله جفتدن مرقومانده اله جقلری بولانلرک وقت مزبورده اوراق و سندات و دفاترینی مستصحباً مذکور اوطه به مراجعت ایلری لزومی اعلان اولنور .